



*Le Roy Pharaon songea deux songes , lesquels ses Deuins ne sceurent exposer :
Mais Ioseph les interpretant obtint la grace du Roy.*

DE V X ans estoient ja passez , que Ioseph estoit detenu prisonnier, quand Pharaon songea qu'il luy sembloit qu'il estoit debout contre vn fleuve, & vid sept vaches grasses venir pour paistre en vne prairie ; puis vid apres sept autres vaches maigres, qui deuorerent les sept vaches grasses. Alors le Roy s'éveilla : puis se rendormit, & songea vn autre songe , qu'il voyoit sept gros épics sortant d'un tuyau , puis en vid sept autres maigres & flétris qui engloutirent les sept épics grenus. Adonc le Roy s'éueillant tout effrayé, voulut sçauoir de ses Deuins l'interpretation de ces songes ; mais nul ne les pût interpreter. Le Somme-lier se souuenant lors de Ioseph, il fut à son recit tiré hors de prison, & mené deuant le Roy, qui luy raconta ses songes, auquel Ioseph dit : Sire, vos deux songes ne sont qu'une mesme chose, & signifient, que par sept années y aura grande abondance de tous biens, & par apres, sept années de grande famine. Partant que le Roy élise Commissaires pour faire serrer en ses greniers la cinquième partie des biens de la terre durant la fertilité, pour subuenir aux sept années de famine. Et la chose pleut à Pharaon, qui dit à son conseil, Où pourrions-nous mieux trouuer vn tel homme pour ce faire, qui ait l'esprit de Dieu, comme cettuy-cy ?